



ქ. თბილისი, მშრალი ხიდისა და საარბრიუკენის ხიდის რეაბილიტაციის პროექტის მომზადება

საკონკურსო დოკუმენტაცია

1. ინსტრუქცია კონკურსში მონაწილეთათვის

- 1.1 კონკურსთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.2 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.3 კონკურსში საკვალიფიკაციო მონაცემების დამადასტურებელი დოკუმენტაციის წარმოდგენა არ მოითხოვება.
- 1.4 ტექნიკური დოკუმენტაციის სისტემაში ატვირთვის შემდეგ, პრეტენდენტმა სისტემის შესაბამის ველში უნდა მიუთითოს საკონკურსო წინადადების ფასი დღგ-ის გარეშე, რომელიც არ უნდა აღემატებოდეს შესყიდვის ობიექტის სავარაუდო ღირებულებას.
- 1.5 პრეტენდენტი, რომელიც საკონკურსო წინადადების დოკუმენტაციაში მიუთითებს საკონკურსო წინადადების ფასს ექვემდებარება დისკვალიფიკაციას.
- 1.6 პრეტენდენტი წინადადების ფასში არ ითვალისწინებს დღგ-ს, მიუხედავად იმისა არის თუ არა იგი დღგ-ს გადამხდელი საქართველოს კანონმდებლობის შესაბამისად. იმ შემთხვევაში, თუ გამარჯვებული პრეტენდენტი ხელშეკრულების მომენტისათვის, საქართველოს კანონმდებლობის შესაბამისად, არის დღგ-ს გადამხდელი, ხელშეკრულების ღირებულებაში გათვალისწინებული იქნება საკონკურსო წინადადების ფასის შესაბამისი დღგ-ის ოდენობა.
- 1.7 საკონკურსო წინადადების ფასის მითითების შემდეგ, პრეტენდენტს უფლება არ აქვს, შეცვალოს წარმოდგენილი ტექნიკური დოკუმენტაცია და საკონკურსო წინადადების ფასი.
- 1.8 პრეტენდენტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადებები არ განიხილება.

საკონკურსო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში: ქ. თბილისი, მძებნი ზუბალაშვილების ქუჩა N48, ა(ა)იპ თბილისის განვითარების ფონდი.

საკონტაქტო პირები:

- კონკურსის მიმდინარეობის საკითხებზე – გვანცა ბერუჩაშვილი, ტელ: +995 599 555 785, ელ-ფოსტა: g.beruchashvili@tdf.ge
- ტექნიკური დავალების საკითხებზე – ტექნიკური დავალების საკითხებზე – გიორგი მაღრაძე, ტელ: +995 599 471 886, ელ-ფოსტა: g.magradze@tdf.ge

2. აუცილებელი საკვალიფიკაციო მოთხოვნები და დოკუმენტაცია

2.1 პრეტენდენტს უნდა ჰქონდეს კულტურული მემკვიდრეობის ძეგლებზე არანაკლებ სამი შესრულებული პროექტი, (სასურველია 1 მაინც შესყიდვის ობიექტის მსგავსი). სასურველია, პროექტები დღეისათვის განხორციელებული იყოს მშენებლობის კუთხით.

ან/და

2.2 პიროვნულად იმ მთავარ არქიტექტორს, რომელსაც პრეტენდენტი წარმოადგენს წინამდებარე დაკვეთის შესასრულებლად უნდა ჰქონდეს კულტურული მემკვიდრეობის ძეგლებზე არანაკლებ სამი შესრულებული პროექტი, (სასურველია 1 მაინც შესყიდვის ობიექტის მსგავსი). სასურველია, პროექტები დღეისათვის განხორციელებული იყოს მშენებლობის კუთხით.

2.3 პრეტენდენტს უნდა ჰყავდეს მინიმალური სავალდებულო პერსონალი შემდეგი სფეროების მიხედვით არანაკლებ 5 წლიანი გამოცდილებით, რომლებიც იმუშავებენ წინამდებარე პროექტზე:

- 2.3.1 არქიტექტორი;
- 2.3.2 კონსტრუქტორი;
- 2.3.3 არქიტექტორ-რესტავრატორი;
- 2.3.4 ხელოვნებათმცოდნე;
- 2.3.4 ინჟინერი.

3. შესყიდვის ობიექტის სავარაუდო ღირებულება და მიწოდების ვადები

- 3.1 შესყიდვის ობიექტის სავარაუდო ფასი შეადგენს **80,508 (ოთხმოცი ათას ხუთასრვა ლარი)** ლარს დღგ-ს გარეშე.
- 3.2 შესყიდვის ობიექტის მიწოდების ვადა: ხელშეკრულების გაფორმებიდან არაუგვიანეს **2 თვისა**.
- 3.3 გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს პროექტის (ეტაპობრივი) ხარჯთაღრიცხვა.

4. სისტემაში ასატვირთი დოკუმენტები:

4.1 გამოცდილების დამადასტურებელი დოკუმენტები:

4.1.1 პრეტენდენტის პროფესიული გამოცდილება - ცხრილი 1 და საკონკურსო დოკუმენტაციის მე-2 პუნქტის 2.1 და 2.2 ქვეპუნქტებით განსაზღვრული მოთხოვნების დამადასტურებელი დოკუმენტების ასლები (წარმოდგენილი უნდა იქნას ხელშეკრულებების და მიღება-ჩაბარების აქტების ასლები, ან დამკვეთების წერილობითი დასტური, ან სხვა რაიმე ისეთი დოკუმენტი, რომლითაც დგინდება კონკრეტული გამოცდილების ქონა);

4.1.2 პერსონალის გამოცდილება - ცხრილი 2 და საკონკურსო დოკუმენტაციის მე-2 პუნქტის 2.3 ქვეპუნქტით განსაზღვრული სავალდებულო პერსონალის, თითოეული მათგანის რეზიუმე - ე.წ. CV, სადაც მოცემული იქნება ინფორმაცია პერსონალის გამოცდილების შინაარსზე (ანუ არამხოლოდ სამუშაო ადგილის ან პროექტის და თანამდებობის დასახელება, არამედ ამ პერსონალის მიერ გაწეული სამუშაოს მოკლე აღწერა). შემსყიდველი უფლებამოსილია, ინფორმაციისათვის მიმართოს პერსონალის არსებულ თუ ყოფილ დამკვეთებს / დამსაქმებლებს;

4.2 სადემონსტრაციო მასალა:

- 4.2.1 ხიდების არსებული მდგომარეობის აღწერა, ფოტოფიქსაცია, დაზიანებების გამომწვევი მიზეზების შეფასება;
- 4.2.2 ხიდების დაზიანებებისა და არსებული მდგომარეობის შეფასების შედეგად გამოვლენილი ვითარების ანალიზზე დაყრდნობით, სარეაბილიტაციო სამუშაოების მეთოდოლოგიის განსაზღვრა და რეკომენდაციები;
- 4.2.3 ხიდების რესტავრაცია-რეაბილიტაციის გადაწყვეტის ამსახველი ვიზუალური მასალა - ესკიზები, განშლები, ფოტომონტაჟი, რენდერები ან/და სხვა, შესაძლოა რამოდენიმე ვარიანტი; გამოსაყენებელი სამშენებლო თუ მოსაპირკეთებელი მასალ(ებ)ის მითითებით;
- 4.2.4 საპროექტო სამუშაოების ეტაპები (დეტალური აღწერა), ვადა და კალენდარული გრაფიკი, დანართი2;

5. საკონკურსო წინადადების შეფასების კრიტერიუმები:

- 5.1 ხარისხის ჯამური შეფასების კოეფიციენტი შეადგენს - 0,8;
- 5.2 საკონკურსო წინადადების ფასის კოეფიციენტი - 0,2

6. საუკეთესო საკონკურსო წინადადების გამოვლენისათვის დადგენილი ხარისხის შეფასების კრიტერიუმები და მათი ხვედრითი წონები:

#	შეფასების კრიტერიუმები	კოეფიციენტი
2	პრეტენდენტის მიერ წარმოდგენილი ხიდების რეაბილიტაციის მეთოდოლოგია (შენიშვნა: არათვლადი კრიტერიუმი, სადაც უპირატესობა ენიჭება საკონკურსო კომისიის წევრების მიერ მინიჭებული ქულების მაღალ საშუალო არითმეტიკულ მაჩვენებელს).	0,3
3	პროექტში მონაწილე სპეციალისტების კვალიფიკაცია, რომელიც შეფასდება მათი შესრულებრივი სამუშაოების ხარისხის მიხედვით და არა წლების რაოდენობით (შენიშვნა: არათვლადი კრიტერიუმი, სადაც უპირატესობა ენიჭება საკონკურსო კომისიის წევრების მიერ მინიჭებული ქულების მაღალ საშუალო არითმეტიკულ მაჩვენებელს).	0,3
4	მიწოდების ვადა (შენიშვნა: თვლადი კრიტერიუმი, სადაც უპირატესობა ენიჭება დაბალ ციფრობრივ მაჩვენებელს.)	0,4

***შენიშვნა:**

- კრიტერიუმების შეფასებისას კომისიის ყოველი წევრი ცალ-ცალკე აფასებს კრიტერიუმს 0-10 ქულიან დიაპაზონში, ხოლო საბოლოო შეფასება განისაზღვრება კომისიის წევრების მიერ მინიჭებული ქულების საშუალო არითმეტიკული მაჩვენებლით. ამასთან, ზემოთ მოცემული ცხრილის ყველა პოზიციაზე მინიმალური საშუალო ქულა, რომელიც უნდა გადალახოს საკონკურსო წინადადება, არის 4 ქულა. მასზე ნაკლები საშუალო ქულის მიღება თუნდაც ერთ პოზიციაზე ამ პოზიციათაგან, გამოიწვევს კონკურსანტის დისკვალიფიკაციას.
- გამოცდილების ხარისხი შეფასდება შესრულებული პროექტების სირთულის, ისტორიულ-კულტურული ღირებულების, მასშტაბურობა-მოცულობის და რაოდენობის მიხედვით. (რაოდენობა შესაფერისას არ განისაზღვრება, როგორც თვლადი კრიტერიუმი).
- სადემონსტრაციო მასალა შეფასდება იმის მიხედვით, თუ რამდენად დეტალურად არის აღწერილი არსებული მდგომარეობა და რეალობა, ასევე, რეაბილიტაციის მეთოდოლოგია, რამდენად იძლევა იმის საიმედოობას, რომ შესაძლებელია ექსპლუატაციის ვადა იყოს მაქსიმალურად ხანგრძლივი, რეაბილიტაციისათვის განკუთვნილი მინიმალური დანახარჯებით.

იმ შემთხვევაში, თუ პრეტენდენტის მიერ წარმოდგენილი ინფორმაცია/დოკუმენტები ფორმალურად შეესაბამება შემსყიდველის მიერ მოთხოვნილს, მაგრამ მათი შინაარსიდან ან წარმოდგენის ფორმიდან გამომდინარე, მათი მეშვეობით მკაფიოდ ვერ დგინდება ის მონაცემები, რომელთა გაგების მიზნითაც იყო ისინი მოთხოვნილი, შემსყიდველი უფლებამოსილია, მოსთხოვოს პრეტენდენტს დამატებითი ინფორმაციის ან/და დოკუმენტების წარმოდგენა.